

兩浙輶軒續錄

兩浙輶軒續錄卷十二目

俞理 俞超 任昌運 張誠 董王錫

丁元采 黃定文 李策堂 蔡英 蔣履

汪彝銘 陳惇 吳純 查嘉蔭 李浩

鄭辰 倪桂馨 黃際明 曾鏞 戴道峻

吳元萊 計元坊 邢典 錢芝 施玉樹

謝純祚 朱淦 王來宣 方壺 鄭光璐

郁豫 吳璫 潘庭筠 錢棡 嚴惇彝

王世綱 吳錫麟 俞思謙 陳熙 袁宏望

陳肇芳 李承運 任六驩 呂司壩 王道正

朱興悌 王登賢 詹紹治 方纘基 汪日莖

管應祥 朱邦經 任宗延 章光曾 沈長春

丁 溶 徐 僑 樊廷簡 胡 舉 王 煦

王清源 戴道亨 葉紹棻 朱 棟 許運階

嚴其焜 湯朝萊 董永發

兩浙輶軒續錄卷十二

督學使者潘衍桐訂

俞

理

字燮堂號秋府錢唐

吳振械傳略秋府先生于吾家為故舊早歲失怙母氏張厲之以學自為學官弟子即有聲筆耕以養母與同里張訓齋姚成蔣東橋師煥以古學相切劇經火而外旁及六峯九魁三淵之術屈足滿室寢饋以之入法六法罔不精妙貌儻葛而性僻冷拙沈撥淪艱于遇合家居素無長物老屋數椽載遭吳回氏之災一女及笄而殤無子平生詩文雜著凡四十餘卷

題鄭貴妃泥金書普門品經

并序

神宗甲辰之年十二月吉日皇貴妃手書觀世音菩薩

薩普門品經一卷題云祝今上聖主祈願萬壽洪福

永享康泰安裕吉祥舊藏小山趙氏頃歸仇一漚同

年字畫莊麗頗似顏平原筆法前輩厲樊榭丁龍泓

兩先生各系以詩一漚既屬余篆標題于笈上且將

彙所致諸詩合之莊寫成冊為賦七言截句四章

薤葉光浮貝葉青華書妙品一函經珠窗日暝金鋪細玉腕
揮毫對硯屏

供養蓮臺栢館香願分無量祝無疆五花繡蓋絲三縷不敵
泥金字半行

主恩應報佛恩濃畫黛餘閒執筆工寫證菩提祈上壽異佗
閨範出中宮

流傳三度甲辰年普護還因慧業堅茶版粥魚禪衲外吟香
分著浣花箋

俞

超

字漱園海甯人乾隆丁酉舉人官蕭山教諭著漱園吟草

海昌備志漱園會試下第館應主事文虬郡舍館餐有
美味往往澆滌不下著念其父家食無珍膳也及官蕭
山教諭迎養盡歡事後母以孝聞遭父喪歸
年逾六十哀毀如童時終三年不脫凶服

春寒

澹煙微雨護新春料峭餘寒尙著人一半花枝疑勒住十分
酒琰最相親曉妝且擬遮羅幕晚步何由岸葛巾獨有流鶯
偏耐冷閒關作意弄芳辰

任昌運

字英倍號香杜海鹽人乾隆丁酉

徐熊飛序略先生詩不名一格歸本于性情之正嘗舉
司空表聖味在酸鹹之外一語以為學詩者標準故夷
孫峻潔所言不外耳目淺近之常而情旨曲暢中
餘蘊不盡非以外心爭勝者所得齊其芳臭也
石瀨山房詩話香杜幼賦夏夜詩有長嘯不見人坐看
山月沒之句為朱笠亭明府所激賞稱其絕清絕高極
似王韋又云桃花春走馬明月夜彎弓不減駱丞晚主
講席涉江歷富春桐廬嚴灘抵姑蔑之墟最後乘鐸禹
航凡生平所遇江山名勝悉發於詩故所造獨深阮芸
臺中丞題其集云吳山越水想清華又是江湖第幾家
一事知君真不俗自開
生壙種梅花亦是紀實

晚渡西溪

棲鴉點秋水暝色帶行客忽見炊煙生山村挂新月欲逝溪
無梁扁舟渡亦歇遙聞人語響漁火一星滅

秋江曉發

孤棹穿雲去滄江自在流夢迴千嶂月楓落一林秋野店逢
人少郵程記舊游忽看波浩蕩煙際立沙鷗

偶宿

偶宿招提境渾忘羈旅情月移松影落水映竹陰清不寢燈
將爇長吟鐘忽鳴僕夫還起早山徑少人行

惜春詞

亂鶯嗁盡春無語春歸何處花飛樹錦袍公子開華筵滿堂
絲竹爭喧鬪酒行金盞席未半不覺流年暗中換長眉蛾綠
秋波明燭淚雙垂別恨生佳人每惜芳顏改挑盡紅鐙照酒

醒

臨安道中

陌上花開好谿迴路不迷
火山燒竹炭水碓擣香泥
堊寺松

林鼠荒村茅店雞夕陽
遮曲徑落日亂峰西

張

誠字希和號熙河平湖人乾隆丁酉

縣志誠舉人祀鄉賢著嬰山小園詩集

其學一以清獻為師潛心性命而務有濟於實用復留

心掌故邑令王恒延修邑志網羅散佚表章舊聞實集

前志之成生平嗜義舉曾倡修

文廟借其諸兄弟遊嘗東登泰岱西陟峨嵋足迹半天下

六千有奇性閉戶壘石為嬰山巖壑畢具

有二十四景環山為閣時時嘯咏其中

蒲登岱宗上嵩洛訪子於關中直躡蓮華峰頂與廣東

馮庶常敏昌吟既經月始下又欲作峨眉之頂蓋徐霞

客輩流人也性好梅作梅花詩話凡若干卷搜采辨論

頗稱繁縟

將之京師大兄耜洲先生送至黃河口留別二首

河水來天上 征人向日邊
勞君千里送 共我十宵眠
落雁平沙月 孤帆極浦烟
燕雲山萬仞 淒斷陟岡篇

回憶臨歧夜 依依小弟情
送余頻執手 知爾已吞聲
向暖花分吐 衝寒雁獨征
君歸好傳語 努力共鵬程

丹徒王夢樓太守

文治

招同桐溪屠茂才

本仁

秀州王

上舍

復

錢明經

楷

表弟魏塘曹茂才

應穀

歷遊西湖

諸勝

並馬出郭門 山行繚而曲
嶺松入雲高 堤柳曳波綠
初遊小有天 旋上龍井麓
春風徧六橋 佛光照三竺
何年飛來峰 靈鷲分一角
玉泉觀金魚 翠洞尋石屋
石上話三生 三生逢不速
太守風雅宗 江南今杜牧
邂逅西湖濱 令我消塵俗
屠君

鸞鳳姿王子龍虎族楷也美無度英才早卓犖應馭我中表
少負神童目公等未易才同盟不棄僕湖山風月閒卻擬竹
溪六吾儕生世上林泉真是福天假良朋緣大塊文章屬祇
恐鴻爪泥後會未可卜呼羣叩酒家洗盞酌春醪行樂貴及
時一醉萬事足何當鼓餘興夜遊重秉燭

陸清獻公墓在泃口向無神道碑荒烟蔓草幾不可識
癸卯夏五余爲芟刈荆棘加土封之敬系以詩勒諸

碑石

先生生閒代理學藉光昌好辯宗鄒嶧聞知紹紫陽上丁從
祀肅三泃泝流長慚愧居尤近題碑敬辦香

泰山謠登泰山絕頂作

昔聞廣乘山高東海東瓊林霞闕參差於其中天嶽虛無不

可卽誰能羽化乘輕風我今嘯傲泰山頂舉手便欲摩蒼穹
飄然如入蓬萊宮巖花澗草爭青紅雕鶴片片如飛鴻潺湲
碧水鳴半空羣峯撲地有若星羅棋布狀又疑土揖時揖天
揖相聚而朝宗使我一拓磊落之心胸振衣俯仰數千載秦
皇漢武今何在君不見沙邱死輪臺悔仙之人兮不可期枉
自年年禪東岱或云岱是天帝孫赫聲濯靈從古尊九關又
無虎豹躡排雲直上驚乾坤日月可攬星可捫十洲三島何
須論君不聞黃帝明堂原自名崑崙絕壁巖巖億萬丈五十
餘盤紆而上廣開天門誅蕩蕩東觀渤澥遙南望黃河決陡
覺長風來莽盪山神知我性好奇頃刻陰晴變景象叫嘯聞
猿猱窅冥集翹翹魄駭魂驚心恟恍蕭然卻動出塵想回首
下見徂徠巔竹溪六逸我憶青蓮仙清新俊逸渺難企惟有

名山之好我亦顛焉得假我綠玉杖徧遊五嶽與公相後先

光福里探梅

早讀笠澤書野寺得光福輕舟背日行曉風十里速山色迎
人新水光泛鴨綠孤塔遙崢嶸一溪自迴曲傍岸編疏籬開
門隱脩竹居人爲我言山中絕塵俗望衡千餘家種梅如種
穀梅熟子可沽梅開香不鬻不鬻當如何客來恣所欲

包山顯慶禪寺

皮襲美陸魯望有包山精舍詩卽此

山行不知遠叢木忽蒼翠青嵐起層岡幽幽隱古寺初地肇
蕭梁嘉名錫唐帝復有慈受僧結廬傳宋世寺前五株松落
落擎天勢虬角不可攀龍鱗時或墜山僧頗好名竊附五柳
意寺僧號五柳揖余爲余言此樹閱千祀其下雨石幢中藏佛舍
利剔辭試摩挲其一本無誌其一會昌年僧契元書字字字

空王言歷歷時日記

唐會昌二年壬戌九月八日僧契元書佛頂尊勝陀羅尼書法絕佳頗通

瘦硬神亦饒煙雲氣幸藏深山閒勿為椎拓累守拙全天真

斯理得罕譬少小慕松陵倡和金蘭契今來精舍中風流結

遐企棟宇或劫灰林壑餘古致我亦煙波徒俯然願高寄

董王錫

字恭甫號謙山烏程人乾隆丁酉舉人官金華教諭著愛蓮居詩稿

謁于忠肅墓用王漁洋明景帝陵懷古詩韻

少保祠墓枕西湖鵲鳴鶴唳聲相呼二字獄成百世恨我來

弔古生歔歔奪門倉皇名不正夜半啟鑰趨金鋪南宮復辟

有慙德翻興大獄窮根株陰霾翳天走魑魅大樹倒地驚樵

蘇當年旋乾轉坤是誰力不然乘興永乘陰山隅君不見宋

帝冰天遺櫬返鐙檠朽木他無餘戴天事嚮任姦相歲輸金

帛忘征誅弓藏不待狐兔盡忠臣黑獄先囚俘廟謨顛倒盡

如此岳于先後渾無殊迎駕不同使臣賞建儲先被言官誣
景廟七年無大失廢深立濟誠私圖處人骨肉事不易錯愕
相顧公何辜鄴侯從容佐靈武鬻防肘腋消闖奴公當景帝
寢疾病謀復元子無時無外廷紛紛圖富貴擎天隻手誰爲
扶忠佞賢姦置不問新舊頃刻相乘除元勳一代空宿草論
功闖弁皆朱襦試看徐石相繼死草頭之露真斯須我拜公
像三太息摳衣懷懷瞻眉鬚宮庭燒竹寵非忝君臣相契誠
何如

謁江都相祠

闡發春秋大義彰不徒三策重賢良陰陽自信灾无妄誼利
先明道有光羞學公孫干世主卻同賈誼事驕王玉杯一冊
傳家學瞻拜遺祠涕淚長

丁元采 字振英歸安人乾隆丁酉舉人官秀水教諭

感賦

十度長安客垂楊綠短亭風塵未為苦文字竟無靈對鏡看

雙鬢挑燈伴一經故交揮淚別從此老林垞

黃定文 字仲友號東井鄞人乾隆丁酉舉人官江蘇常州知府

縣志定文從盧籍蔣學鑄學得全祖望之傳慨然有經世志歷任廣東江西南縣府獄勦匪築塘促振災歎大府倚重晚年乞病歸邑中有公事必審可否力任之病中聞高陽堰決淮揚大水猶口占詩示同人有尚有憂天心未了誰將運海策先陳之句其倦倦忠愛毫而不忘如此董沛曰先生高年解組築息圃與二三老友晨夕觴詠諸子弟俱負文譽各有著述百餘年來吾鄉舊家惟黃氏稱最盛焉

在平道中風雪

朔雪良易盈中朝滿庭除出門望長路高下迷村墟海若掀

波濤白浪吞江湖天低入平野萬頃雲模糊豈知物態奇變
化爭須與北風動地來元氣隨呵噓江山失平遠千巖疊嶽
峴飛來萬古石突兀橫交衢何當踏層崖赤腳凌荒墟高詠
秋水篇浩蕩供清娛但恐行路難冰天易摧車願言尋往轍
慎勿爭前驅

陸行過丹陽

車厯鹿車厯鹿前推後挽健於犢雞鳴登途夜深宿濁酒醅
醕睡茅屋鈴丁當鈴丁當馬上官人連夜行

息縣渡淮

昔歲涉江河今年溯清濟更於長淮流尋源得奇詭光山之
北息縣南西隔胎簪幾日耳并包縱復挾細流不信奔騰已
如此我來三月春水急元氣漫空雜噓吸直疑鎖脫無支祈

鞭起長鯨作人立百川要歸海獨者方爲宗奈何安東境并
與黃流東邗溝倒入江瑟縮如附庸瀆不爲獨同非同豈知
流弱源反雄嗚呼流弱源反雄平陂豈得長沖融不見汝潁
渦蔡百流集浮圖千尺洪濤中

挂劍臺

翻手爲雲覆手兩世上交情賤如土延陵公子輕王侯死生
不負心相許我來灑酒荒臺暮獵獵悲風起陵樹劍光列缺
走狐鼠夜半青燐石人語君不見魚腸一進專諸手湛盧飛
去金精朽少年錦帶佩吳鉤國老精魂怨屬鏤安得太阿歸
季子讓王陵樹叫鸚鵡

鎮江

日暮團茅住侵晨上棧車江聲橫北固山勢入南徐濁酒消

寒節春風接歲除時平失天塹萬里一車書

方城道中望內鄉諸山

得得征車往復還方城西望見屏顏人行朔雪嚴風路詩在
秋林夏館山古木叢祠吟楚客斷雲流水接秦關稻梁謀亦
憐孤雁輸與汀鷗自在閒

彭城

形勢中原百戰場雷霆曾壓舊徐方夷庚古道橫衰草典午
新州接大荒東晉以彭城爲北徐在邊界平世閭閻誰豹變古來豪傑半
鷹揚而今汴泗交流處萬里恩波下呂梁

雄縣

邊聲颯颯古雄州十里平橋帶冀幽苦愛東南好塘灤春風
何處蓼花洲

李策堂

字搆亭會稽人乾隆丁酉舉人

養自然齋詩話先生絕意仕進專事吟詠生平喜吹笛春秋佳日于湖山勝處輒一再弄

自南鎮晚歸

雲起香鑪峯花開南鎮社春風圍綺羅湖山盡妖冶日落不

逢人吹笛松林下

蔡

英字蕃宣諸暨人乾隆丁酉舉人官江山訓導祀名宦鄉賢著東軒遺集

初夏

纔送春歸倦倚門喜無塵事到東軒乍晴乍雨添吟興輕暖輕寒促酒尊牆角紅彫花姊妹籬腰綠長竹兒孫間中莫惜韶華去料理濃陰滿故園

蔣

履字鯉庭號禮山佐乾子臨海人乾隆丁酉舉人官江西南安知縣著蔚霞堂詩鈔

戚學標撰墓誌鯉庭在諸生中有揚晏之目累為學使者所賞異後入都游太學聲名益盛

冷廬雜識蔣禮山明府以名孝廉官閩之德化縣有循

聲調南平適臺灣滋事
王師進討過兵絡繹供應不貲遂致賠
累清查案起落職羈閩八年始釋歸

春懷絕句次吳莞崖韻

有客幽棲意曠如半清館好自遠
遠年來參徹南華旨更揭

雙鈞幾種書

許君軼潛自頽其居曰
半清館且善書工摹倣

藍小溪頭滑似酥晴陰花鳴錦分穉
季方肯念金臺客兼寄

家山好畫圖

匯里陳二家居藍水能
詩工畫余總角友也

集杜二十四韻呈書台劉師

川岳儲精英蓬萊足雲氣賢豪贊
經綸異材應聞世詞華哲

匠能灑落君臣契經術昔相傳學
貫天人際事業富清機雷

霆走精銳閱闕冠雲霄豫章深出
地潘興送嘉頻天路牽騏

驥府中有餘清

朝廷偏注意南斗避文星萬里皇華使明白山濤鑿排蕩秋
天霽青雲滿後塵嶷嶷瑚連器會是正陶甄開襟驅瘴癘小
子思疏闊孔門未應棄旅食京華春黑貂甯免敝樗散尙恩
慈拳拳期勿替南入黔陽天載筆尙可記才小辱提攜拙被
林泉滯况乃懷故鄉尺書前日至始擬進歸舟遲日江山麗
倚門固有望非無江海志佳氣拂周旋顧慚恩私被傾陽逐
露葵作歌挹盛事早晚到星躔夾輔待所致重此憶吹噓曠
懷掃氛翳

得赦書恭紀

嘉慶九年甲子春金雞飛下

天語新處尊聽卑特開網南冠脫者先八人手捧

詔書喜且泣再肉之骨生之身道旁聚觀亦歎息謂譬若天

天矜民憶昔嬰禍歲單闕性命呼吸難具陳年來驚魂定稍
稍敢斲縱此窮轍鱗今者得免久羈縲馬角羝乳甯非真里
門生入同一喜笑口對客甘長貧是日天容霽久雨如靚慶
喬環南閩諸君莫悲向隅坐好生之德無不均我家越中落
宦海虞翻骨相生苦屯故園昨夢得歸去徑有松菊庭有筠
寄聲湖山莫嘲笑看我秋江垂釣綸醉攜童孫歌一曲萬年
長頌吾

皇仁

汪彝銘

字寶吉號吉石秀水人乾隆丁酉副貢官河南禹州州判著吉石齋集

召試

錢昌齡跋畧吉石先生以明經兩應名列二等後以

四庫全書館議敘得官不數年而沒於大梁先生爲厚石
桐石多石之弟師友淵源得於門內其人醇謹而不附
於時其文修飾而不徇乎俗前輩流風猶可想見也

青陽縣

勞人戀曉衾程途起戊夜岡勢復峻嶒隨溪上而下峭石插
遠空一徑通幽蹕晨曦動林端蔥翠光四射樹多山不蠻蕭
颯安知夏青陽古陵陽鎮名尙憑藉峩峩九子山陸地蓮花
化此處懷詩仙何年訪書舍

陳

惇

字厚甫青田人開基
子乾隆丁酉副貢

鶴溪棹歌

禿柳丹楓雨外邨布帆溼溼落黃昏長風忽埽羣峯出添得
枝頭月一痕

西風遙趁碧波涼目極煙隄川路長幾簇漁家蘆荻外沙頭
曬網背斜陽

收住蒲帆臥月明水光山色不勝情無端江夢忽驚破灘瀨

挾風來遠聲

吳

純字葆良號春林錢塘人雲從子乾
隆丁酉拔貢著二香齋詩文集

吳振棫傳畧春林工書詩才賦筆名動公卿庚子甲辰
兩次迎

鑿召

試俱以二等一名見放朝士惜之游歷萬里傳食諸侯
者四十年一時表秦箋記駢麗之文多出其手精深典

膳部下羣公愛其文詞字迹競
收藏之所著有二香齋詩文集

詠撲滿

運甓勞相似癡翁為蓄錢塗泥堪結搆搏埴試迴旋虛腹能
藏富無門愛守堅洞深惟拒客管小不窺天但許蚨紛入疇
希杖偶懸見時勤下拜招得感垂憐宛向仙壺貯真教欲壑
填眼明看赤仄心嬾負青氈是鬼何能使為奴卻自便郊超
施有待崔烈臭難蠲井底猶思掘牀頭也伴眠若耶慙舊吏
如願祝新年祇謂金贏好憑將土庫傳驟聞轟似電幾恨散

疑煙敲器同傾耳崩榱等壓焉怒應揮玉斗貪欲徒珠泉知
爾慳還破隨人猛似煎轆轤宜轉軸麴糵尙流涎肯學鄒長
倩當期黃子廉滿盈終不做瓦解更誰全

查嘉蔭

字曙堂海甯人乾隆丁酉拔貢官奉化教諭著查山贖稿

杭郡詩三輯查山生而歧嶷三歲識字能別偏旁辨點
躡年十四應試默經不謫詩文斐然爲諸城實東臬學
使所賞乘鐸蕁湖以道自重課士以有
本之學寒者時周創之及沒多泣送者

述懷

老去塵氛斷閒閒問此心善須微處積學向靜中深厚薄隨
天付悲歡詎我侵超然人世外今古卽升沈

李

浩

字紹揚號蘭坻又號養齋平湖人乾隆丁酉拔貢官桐廬教諭著停雲閣集八卷

石瀨山房詩話養齋在桐廬有鄧生者因某案波及訴
於養齋憫其無辜偵知逸犯在烏龍嶺密率家丁盤獲
解省上官奇其才爲保舉縣職嚴陵釣臺歲久傾圮撫
軍阮公欲新之而瀨江俯流堵築爲難養齋奉檄承辦

刻日告竣并
修謝舉羽塞

靜夜思

重門十二闕魚鑰寶鼎香消鐙燼落桐葉聲中風露涼夜深
斗覺羅衣薄仰視銀河光漸微一行鴻雁向南飛音書欲寄
人千里杳杳秋江菡萏稀

武原道中

西風吹落木蘆荻共蕭蕭一棹煙波闊三更客夢遙雲昏谿
口樹月上海門湖何處聞漁唱殘鐙隔小橋

鄭

辰

字三雲慈谿人乾隆丁酉拔貢
官江蘇江甯同知著使粵草

董沛曰先生為南溪先生孫原本家學留意掌故
選宋元四明詩存接采頗富所為詩亦清雅可誦

雪中由梅心驛行三十里暮至北峽關

自過梅心驛連岑積素橫車從銀海渡人向玉山行鴉散林

霏雪泉寒澗咽聲祇愁天色暮嵐谷黯遙程

自廣濟縣至西河驛

西風動晨鐘檐溜截銀竹及曉戒輿臺趁晴急裝束溼霧散
羅州羣峰乍梳沐十里接引來前招後相逐俯首若揖人一
送掉頭速茅屋聞午雞寒林集鸚鵡溪橋渡綠楊又向西河
宿遙望蘄春山煙雲蔽重谷

三江口

侵晨催發棹擊楫沂寒流磯轉龍蟠寺瀾迴鴨蛋洲楚雲天
末散荆樹望中收願祝江神助毋教阻石尤

爾衡墓

積雪被沙洲一竈憐今古鐸燬終以聲何須怨黃祖

望君山

十二峯誰主具區神妃遺迹溯唐虞煙雲一片疑三島湯沐
千秋奉兩湖草綠金沙朝染黛月明水鏡夜懸珠靈旗縹緲
湘天闊花落年年喚鷓鴣

獅子巖觀山下人家李花

有巖傍石湖猗猗踞春壑如獅狀颯颯不受人束縛繫纜尋
幽崖噉蔗恣探索恍惚蠶鳧叢鳥道五丁鑿又疑剛斧修私
竊廣寒格乳竇流涓泉石門失仙鑰罅通一綫光穿出境又
拓諸公躋層巔時永州司馬秦敦承
汾湖巡檢葉發同遊我獨步屢卻實苦病眼
昏非關腰力弱坐看巖畔花貧女餐東郭雖少林下風亦頗

姿綽約因思甘墩村雲海無垠堦二十五年前勝遊事如昨

半山甘墩村李花三十里
望如雲海余戊子曾遊此何時賦遂初重理半山屨

倪桂馨

字又蘭號小山象山人乾隆丁酉拔貢充四庫
館謄錄官廣西州判著小山草堂集海曲煙村詩

稿

縣志桂馨寓都下作秋海棠詩傳播一時有倪海棠之
譽分司天巖風俗婚嫁用瓦器剖分為二其一貽女家
瓦失則訟桂馨令易庚帖訟遂息邑賦課有司親徵桂
馨詣鄉擇其子弟俊秀者談詩論文人皆悅服由是翰
市課如

陪陳旭峯師遊昌平諸山

少試登山屐提攜古巷邊城荒茅塞徑屋小柳含煙僻地開
新館高風繼昔賢看碑懷諫議題句欲同鐫
西去居庸道羣山向北迴青松千嶂合白石一坊開輦路趨
樵牧陵宮半草萊荒涼前代迹臨眺易增哀

秋海棠

綠肥紅瘦不勝裝倦倚雕闌傍石牀蘿徑煙深秋帳靜桐陰
雨過夜窗涼月留清影微分翠星貼朱顏細點黃冷落空庭

惟自媚倩誰燒燭伴宵長

殘照西風客意當閒思往事向迴廊對花真欲迷崔護有子
何堪贈謝娘階畔愁添蟲唧唧天邊書動雁行行試翻葉底
朱絲看猶是回文錦字芳

黃際明

字二峯太平人乾隆丁酉拔貢著不俗居詩鈔

家傳略二峯子濬訂遺集得不俗居詩百韻已佚其半後於陳寶宣處得見完本始刻行

子家野外繞屋栽竹四時風篁掩映蒼翠宜人日夕晤
對如逢良友亦自忘其爲田里鄙人也因本東坡意
額曰不俗居信筆書百韻

野外清且曠避人成小築四面無環堵周圍植以竹迄今未
十年枝已高於屋中有半畝園灌溉不任僕日暮抱甕行兼
之操畚揭埽籜護其根自願儕樵牧二三月之間風景頗清

淑野花市地開紅白繡攢簇取次漫尋香巡檐日往復晨得
一卷書坐向花陰讀轉眼韶華去炎光多煊煊修條引薰風
翠濤瀉如瀑每愛薄暮時對客暫開局一局猶未了卻被輕
陰覆商氣生林薄屢屨巾一幅就樹覓秋聲秋聲在空谷悠
然見明月寒光照衰菊我亦解悲秋無才慚宋玉寒威漸逼
人萬木皆如禿最好雪初霽林端逗晴旭敗絮兼故襦擁鑪
且負曝一寒乃至此不獨有范叔處世若大夢渾疑蕉覆鹿
矧命莫予爭胡乃徒碌碌斯人失其天官器日匍匐措心如
囊錐任智如炙轂口如水懸河力如舟行陸如蠅尾相銜如
蠻角相觸頭面見羸厓手足生皸瘃造物亦甚仁時或錫之
福得意便梟張頓然忘初服寬衣而博帶髣髴猴初沐逆耳
懷腹誹賞心獲齒錄可使魚混珠能教羽折軸一日幾春秋

方寸時寒燠所以古楊朱嘗有歧路哭憶昔宣尼聖昊天亦
不祿齊陳楚蔡衛車轍幾脫輶如參遇既窮如回命復促損
乃變於倫牛又病於瘵諸子詎不賢冥冥施亦酷自春秋以
還賢豪起陸續倘有文章傳一一皆頭踏孟軻鄒嶧老荀卿
蘭陵逐左以傳喪明遷以史繫獄屈賈終汨沈柳韓竄瘴毒
聖賢都如此此意更誰告我生有定命無事計寵辱吉凶與
去從不疑復何卜繞廬田數畝以時藝五穀逢年若順成歲
可數十斛舉家浮八口饗殮計蠶足豉脆堪作醬麥老堪製
麩白粳暫炊糜香糯留釀醪芋栗應節收瓜菜隨時熟傍水
桑幾本土肥葉亦沃約略計春分課婦張籟笛甫闌燕來巢
旋見蠶上蔟分繭動纜車稱絲勞杼柚織得新絹成縷細看
如穀近海饒魚鱸細鱗及比目出水不論錢朝夕以果腹門

鮮車馬客偶來或不速敦盤無佳肴不腆惟野蔌前園翦青
韭後園掘黃獨甘齏可和羹苦筍可當肉瓦盆傾濁醪家釀
不庸漉杯中酒常滿杯面浮醅醖殷勤勸加餐塵甌餘脫粟
縱然不適口猶能勝砂粥客亦爲欣然知子素儉樸經年或
不來每來且信宿時作汗漫游意行無約束越陌復度阡遠
近隨所欲或在水之湄或在山之麓或偕社翁飲坐聽豚蹠
祝或從牧童遊扣角歌浩育邂逅鄰叟改容話嫺睦歸弄
小兒嬉繞廊學蹠踰興到覽書史青氈跋紅燭一覺傲羲皇
柴門叩啄木天宇本次寥俯仰忘踏踟在天有星辰在下有
嶽瀆日月雙跳丸出入三百六藐茲七尺軀甯復憂蹀曲吾
廬頗窄狹四顧成蝸縮私喜性情閑上下得遙矚最愛歲寒
姿蒼翠真可掬嫩篠淨娟娟修篁搖撼撼更看雨露後柔滑

似新浴一夜忽驚雷孫枝頭如蠹貫時長不改貞心愛彌篤
寂歷耐冰霜清陰卻暑溽明月碎琅玕微風落香復入律鳳
音長流觴浮蟻綠如帚聊堪贈爲冠客偶劇因之證素修脩
然誦淇澳自分非蔣徑或妄擬鄭塾獨有王徽之千載見芳
躅何以名吾居此君洵不俗

曾

鏞字在東一字鯨堂晚號復齋泰順人乾隆
丁酉拔貢官湖南東安知縣著復齋詩集

羅陽詩始先生詩不
事琢鍊純以氣行

登南昌進賢門外古塔

洪州城外何年塔一上危梯眼一醒南浦煙波章貢合西山
峰嶺鶴梅青征帆獵獵滕王閣蔓草萋萋孺子亭浩蕩江天
無限思憑高獨立聽風鈴

游南城陶然亭

塵居慕清曠緩步竟南城一徑秋蘆響浮空郊樹平登亭畫
山色倚檻聞磬聲脫帽冥心坐悠然遠我情

紀聞

日月旦復旦癡雲橫不收有嫠不恤緯惴惴懷私憂伊耆勤
豈倦渾沌自比周童牛弗及牯虎視凌高邱醜髀脫不治蹶
盤將焉瘳

聖神真不測溫肅涵春秋三年忌投鼠一掣先吞舟海邦亦
遼遠私快如報讐聞風想初服拭目政優優論功唐虞際孰
先四裔投

戴道峻

字升甫號菊人錢塘諸生著无咎齋臚稿

府志道峻綜治羣書不以一流自域為人儉約寬厚尤篤于宗族無貴賤皆愛慕之少嗜古碑繼嗜古扇老嗜古刀布人持微物求售必潤澤之以周其急

上巳招同人修禊聽園宴賞牡丹分韻得覺字

小園宛轉同蝸殼一泓春水波灼灼映波彷彿寫花容巾紫
鞵紅雕玉琢春風次第到寒窗勝賞已過三月朔少長解禊
及芳辰鬪草攜琴任所學君不見當年馬射賦春旗又不見
沈香亭畔清平樂雨因留客散絲絲爲蓋馨香張繡幄舉酒
對花花不語澄空倒影看雙珎欲數一花流一觴湔水恐驚
宿鷺覺酒酣燭炮動吟懷觴政詩牌不嫌數諸君雅唱又風
流應勝蘭亭四十二人爭相角

吳元萊

字潛庵海甯諸生著潛庵詩鈔

杭郡詩三輯潛庵少孤事大母以孝聞

卽事

抱琴情不淺攜屐復何如隔竹聞聽鳥臨池靜看魚山光殘

雨後花韻晚晴初徙倚春風裏高歌赴酒鑪

計元坊

字維巖嘉興諸生著春山小草

沈德潛曰維巖經自好詩有源流雍正甲辰訪予於

一追憶如塵如

夢不勝惘惘也石瀨山房詩話秀才為改亭孫其尊甫萊村明經工詩

有萊村詩鈔嘗游京師執牛耳踴躍於珠槃玉敦間傳

為盛事秀才幼稟庭訓讀書務有用之學不

肩肩於一名一物韻語亦然諸體五古尤佳

勵志詩
青青園中林並望成嘉樹或者干雲霄或者苦顛仆豈真託

根殊亦異灌溉故人力不滋培棟梁安得具而何蚩蚩氓榮

落委天數
士人乏奇才動輒咎貧賤豈處貧賤中抱負遂難見曲逆方

宰肉一鄉已稱善諸葛當躬耕三分定佐漢內反無足憑氣

望工詞賦簡編亦具陳從此日飽飫

邢典 字書城號綺封烏程諸生著書城詩鈔

府志典家赤貧讀書談道尙論歷代象緯輿地兵農食貨諸志與

國朝疆域典章悉鑿鑿可證旁通王逸醫卜星相諸術與楊鳳苞施國祁並稱南溇三先生

桂曉窗森得古琴名秋泉腹鐫崇甯癸未馬希元斲屬

余賦詩紀之

天津橋上嘯杜鵑怪哉颺鼠起臨川新法紛更祖制壞司馬
復相天下賢已而紹述說一唱章蔡之禍紛相連惇貶雷州
京再用黨人碑立端門前元祐偽學乃私憾幾家子弟沈幽
泉請君試察枯桐腹大書癸未存歲年爾時尚題左僕射病
民何異青苗錢目擊時事那可忍且去閉戶張古絃撫琴三
歎慟前事舊史試補崇甯編

錢

芝

字紫芝長興歲貢
著五粒松窗集

白溪探梅

冷風陣陣掠山谿
小雨絲絲點客衣
游興豪于將晚際
梅花好在未開時
野僧枯寺偏留客
曲徑危橋慣入詩
莫恨衝泥歸路遠
他時回首總堪思

雉山懷古

東南王氣黯然銷
賸水殘山見六朝
誰使癡兒承伯業
空留麗曲答童謠
護持聖井餘貧衲
指點荒陵有野樵
振觸西風憑眺遠
獨吟瘦馬本無聊

舟山閣用東坡何山韻

蒼弁絕清峻
旁帶舟山小
高閣踞層巔
軒窗倚樹杪
登臨豁
煩襟遠思寄雲表
仰見天宇澄
俯覺塵寰渺
我來春二月俗

情差喜了覓徑辨樵蹤籬落泉周繞琤琮萬古流愜心極幽
窈奔激勢迴旋長谿成曲沼孤松立如人風定聲悄悄劃然
墮枯枝振羽驚棲鳥迤邐入山門階級千盤少佛壞僧亦貧
園亭遺野燎行穿敗葉堆舉足黏茶蓼異境忽然開位置得
奇矯譬諸黍稷馨一旦慰流殍濛濛詩畫中竟日無糾擾時
來窺我祕牘有臨風篠遙和讀書聲林閒音嫋嫋沈酣得古
歡夜夢神清香夙興更遐探弗負春山曉

澄照寺

半山殘照雨初晴仄徑縈迂杳不分禪室忽于林隙見鐘聲
遠在樹梢聞谿能繞寺停春水石故當門鎖暮雲他日身閒
應老此清猿幽鳥已盟君

施玉樹

字謝庭號樸山孝
豐廩生著樸山集

家傳畧玉樹負雋才結納荆縞皆一時之秀從
會稽魯秋脞庶常游有天目山賦傳誦于時

登龍堂山祠

此地曾傳京兆阡孤藤耐可叩層巔招提深處寒泉淨不識
潛虬何處眠

謝純祚字季垣號一山鎮海諸生

蛟川詩繫先生善畫宗法一峯道人馮治堂撰墨香居
畫識於吾郡推鄴之盧先生鑄象山倪先生象占鎮海
則先生也

泊江上

夜色蒼茫裏羣舟拍岸時檣邊鐙接影蓬背柳垂絲潮起風
來健秋深月上遲擁衾憐不寐惻惻動鄉思

朱淦字素堂上虞諸生著素堂詩稿

吳門別蔣茗生

劃斷吳江兩處流各攜離恨怕回頭湖雲挾雨歸銅峴越豔
招人渡沃洲遠樹水明殘夜月疏燈人語隔灘舟情知眠食
關君意判與蘋花住過秋

登潤州城

山色常如此江流直到今萬家憑鎖鑰千古快登臨北府樓
臺壯南徐煙樹深艱難行路客多少故鄉心

王來宣

字東屏黃巖諸生

宋世舉曰東屏稟資瑰異名重庠序詩工擬古賦學齊梁他若陰陽圖緯內經諸書靡不觀覽究其奧旨

擬太白月下獨酌

獨酌復獨酌舉世無知音流光照窗戶寂寂彈素琴彈罷一
長歎萬慮蕩虛襟朱顏日以謝白髮日以侵所念交歡友清
談非我心悠悠天地間對此成孤吟

方

壺

字仙止號虎山蘭溪人著松窗偶存

金華詩錄仙止少貧不能卒業家塾乃習書畫歷遊吳越甌閩齊魯燕趙韓魏間二十餘年倦而返駕接運於

括蒼愛其山川佳勝頻往來焉因自號萬山中人

石壺湖

最愛山泉趣潺湲激石壺聲侵樓鳥夢影泛落花魂轉峽流

虛閣穿林到近村我來看不厭歸路月黃昏

送春

春好惜難留傷情獨上樓千山空作障一水與俱流苦雨落

花徑銷魂去客舟那堪吹玉笛并入故鄉愁

鄭光璐

字紳玉號蘭坡西安歲貢著慎修堂詩稿

縣志光璐敦厚嚴正以道自重而尤篤於倫理嗜古學窮渺討幽時出奇見晚宗漢儒嘗輯五經逸註十餘卷

未脫稟而卒

題張睢陽廟

社稷孤危日東南半壁支生憂國狗彘死恨令狐雌月冷睢陽笛風高涿鹿旗何人宜配食南八是男兒

郁

豫

字逸凡又字誠立號晴笠瑞安人著蚺吹集鈍筆叢鈔

朱壽保曰逸凡詩有竊思不愧才人

村中襍咏

蕭閒尋野趣薄暮倚柴門雲鎖懸巖寺煙生隔水村人情堪白眼客路易黃昏只有簷前月清寒照酒尊
行卽依村步西風塵滿顏寒流一帶水晚色四圍山送客來江岸尋僧過竹灣殘陽移樹杪空際鳥飛還

積翠山房遠眺

曉景真如畫憑欄一望閒溪光寒接樹嵐翠幻藏山鳥度青

林外樵歌蒼徑閒主人能愛客留醉不知還

春遊龍平寺

踏遍春郊遠遠村爲尋幽境到祇園鶯聲出谷日初上花氣
薰人春正溫山擁白雲橫寺角門圍綠樹疊煙痕老僧飛錫
歸何處空自題詩對酒尊

秋夜月下書懷

餘霞散晴空露華滿平地秋聲繞樹來蕭散讀書志起步立
中庭對月舒幽思木葉旣飄零芰荷復憔悴榮枯三無常千
古同一淚所以淡蕩人深情一以寄宋玉起悲懷張翰貴適
意我非宋與張亦被閒驅使消卻經營心博得泉石致終朝
閉門坐不問世途事流水感年華浮雲輕勢利書字試頑兒
頑兒頗知記嬾慢過朝昏不敢悲遺棄對花酒常滿愛月不

遑寐攜酒醉花前月落和衣睡

山行卽事

謾謾松聲嶺上聞萋萋草色澗邊分前山雨後諸峯見半在殘陽半在雲

竹影

濯露捎煙長秀枝萬條寒玉影參差人敲風篔簹琴方奏紗暗
文宵月欲移燈下好披高士傳月中間唱竹枝詞納涼行聽
清風起喜傍濃陰泛酒卮

吳

璈字式如號菘圃嗣爵子錢塘人乾隆戊戌進士

杭郡詩續輯菘圃以侍講學士典試陝甘旋覘學安徽

詞臣異數也授河督任東河者三任南河者二前後逾

顯榮近
代罕匹

贈孟巖樞部兼懷耕亭前輩卽次孟巖寄懷舫西原韻

鴈行憶昔侍

龍墀忽漫相逢入洛時紙價定因才子貴頭銜休恨省郎遲
樊籠詎託摩雲翮杼軸都成織錦絲莫道囊空羞澀甚奚童
檢點汴遊詩

萍蹤離合只尋常握手相看總異鄉南國梅開江遶雪大河
風急雁唳霜話逢舊雨頻燒燭譜出新詞試引商好待蓬山
旋絳旆金尊仍約醉糟牀

潘庭筠

字蘭公號德園錢塘人乾隆戊戌進士官陝西道御史著稼書堂遺集

杭郡詩精輯德園少年美姿容有璧人之目官侍御後里居養親主講萬松書院長齋學佛喜從方外遊

懷人詩

南湖廿載憶鷗盟尙認桃枝識此情寶玉鄉中貧太守香燈

座下老諸生門牆士有諸王貴粥飯僧知長者名高閣不愁風雨至毘盧頂上得游人顧諫園光

遠游處處賦無車江漢歸來更索居買宅近于張外史臨池

妙似董尙書百杯以後悲何甚四壁之間興有餘閩嶠花枝

邗上月詩中有畫畫難如何春褚琪

苦憶仙郎白玉姿往年同直鳳皇池苑花濃映春雲裏宮漏

寒催曉月時霄漢夢游朋舊在江鄉歸臥歲華移遙知肅肅

看鴻雁應亦憐余北向避范叔度整

錢 棻 字希南號次軒仁和人乾隆戊戌

吳振械傳畧次軒主講揚州梅花書院成就者暇暇則與邗上諸先達仿九老會月一課詩時人比之洛社居言官時上封事不居居毛舉細故惟以厚風俗敦本務焉

國家培養元氣論者以為得政體有真意齋文稿行世

題金芸舫采芝圖照

我聞四皓商山中采芝一曲希黃農世閱秦漢抗奇節衣冠
底事來青宮芸舫先生孝友宗少年意趣超凡庸矯矯天上
鶴落落人中龍不種菊三徑不斟酒一鍾不願朱輪襍選誇
楊惲不願牙籌握算勞王戎但得一邱一壑常自樂入山隔
斷浮塵紅翠屏隱隱青芙蓉上有千尺虬枝松山神呵護闕
靈草紫芝三秀披蒙茸浮邱洪崖一笑逢白雲深處仙人蹤
飄飄衣袂吹天風采之采之滿藥籠歸來猶帶元霜濃持以
高堂奉上壽服之不老顏如童世閒萬事如轉蓬金丸跳躑
扶桑東名利葛藤遽砍斷青鞵布屨吾相從

嚴惇彝

字茗門歸安人
乾隆戊戌進士

癸卯春日重寓同園養疴雜興

剝啄曾無客款扉養衰幸此息塵機閒拋餅餌供魚饌時近
桐華看鳳飛峭石延緣山洞邃短籬依約露葵肥倪髻畫壁
何神妙應為嚴陵寫釣磯

幾日春陰臥起遲薄寒中體病先知雨肥眾綠多佳色風蕩
殘紅有別姿檢竹愛編新迸筍護花怕損最高枝午餘攤飯
渾無事兀坐空齋漫賦詩

王世綱一名玉輝清安人乾隆戊戌進士官湖北江夏知縣

金華詩錄書後和夏教授蘇韻

風騷盛東南比戶解聲詩來登大雅堂扶教斥危辭鳴盛響
淵淵采古光離離元音既可復土風亦漸移那伯知化本學
道大有為緣情發心聲步矩行中規蒙泉已出山苑木無枯
枝於此得治體風教相與持緬維婺州賢經師兼人師派別

本濂洛其言今古垂談詩特緒餘措詞妙於思語在滄浪前
清濁慎天彝

吳錫麟

字洛書號箬村錫麟弟錢塘人

杭郡詩續輯箬村與兄穀人祭酒分詠新年雜詠並有寄託耐人尋味善畫山水筆情墨趣灑洒天真氣味極清古亦工篆刻以兄子清鵬爲嗣贈如其官

桃花嶺

水複山重又一天斷雲斜日響流泉千年翠柏巉巖外十里
新篁古道前洞口胡麻初熟飯桃源人迹已飛仙落花滿地
知誰掃雞犬無聲思渺然

曉渡甌江望江心寺

孤嶼橫江洞壑幽謝公遺迹讀書樓東西塔峙日初上早晚
潮來水逆流紅雪滿山花亂落綠煙接地草新抽蓬萊未許

人人到縹緲仙峰又一洲

俞思謙 字潛山海甯人著

海昌備志潛山偶儻有風節晚歲專力治經嘗著海潮輯說吳白華侍郎采刻入藝海珠塵酷喜太白詩手輯箋注援引舊籍至數百種又以史載太白事多疏謬作青蓮本事詩以補正之

陳簡莊 續 以朝鮮臺笠貽吳槎客 齋 適秦小峴廉使 瀛

過訪槎客即以轉贈槎客有詩因和其體

朝鮮風物吾能說時向

京師相市易暖客爭誇海豹裘
宜人不數龍須席紙如側理
更堅韌布類羅紋尤潔白魚
或張髻到八梢雞皆拖尾盈三
尺邦人喜戴折風巾亦有東
菑聚臺笠檢書使者朴貞蕤
前歲來朝修貢職持贈賢良
陳簡莊歸貽高士吳槎客叢書
早已彼都傳 簡莊先以愚谷叢書貽朴檢書 遠物今纔吾里識
色黯疑翻淡墨

雲體輕似蛻秋蟬翼綠蓑青箬詎能方細雨斜風任相偪小
峴山人訪舊來相邀共踏登山屐山游戴笠最相宜眾口同
聲歎精極欲就坡翁笠屐圖卽時轉贈無難色詩歌近出拜
經樓風俗遙傳君子國鳴綠江邊草自繁紫雲苦畔人能織
他年貢使或攜來定許先生歌再得

陳

熙

號梅岑秀水人官河南南

沈初序畧梅岑天才超雋讀書目數行下年未弱冠卽

武

英殿鈔書年滿敘州佐分發南河旋擢郡丞莅事精敏不廢吟詠

春暮泛湖至淨慈寺遇雨

舟楫空波裏樓臺積翠閒雨來湖鳥散花落寺僧閒泉響經
修竹煙光抹遠山南屏峯下路須聽暮鐘還

曉由金山寺放船之揚州

岷濤直下三千里海日先開第一峯煙散漸明瓜步樹夢餘
恰聽廣陵鐘珠簾客路縈春思玉帶山門記舊蹤最是中流
迴望好浪花堆裏辨雲松

袁宏望

字海峯號月樵歸安諸生

鄭遵信曰月樵有蘭亭邊旁考一卷引證詳明不知今歸何所其詩僅於沈太初稿中錄存一首

題趙子固水仙

畫苑爭傳趙松雪彝齋居士尤高潔水仙一幅見者稀玉爲
顏色冰爲肌吾聞趙氏出帝系朱門不數金張第吁嗟趙未
無幾時王孫各走風塵際吳興太守甘仕元至今遺議猶騰
翻阿兄樓上倍瀟灑閉門未許停華軒青松介節世無偶應
與仙人共長久想見空江月上時愁當故國春寒後往事銷
沈五百年芳魂萬劫尙依然紛紛姓氏誰曾見貞士幽花合

並傳

陳肇芳

字蘭坡號南園長興人考授州同知著夢窗嚙語

若溪竹枝詞

春來若水碧于藍正好尋春三月三畫舫笙歌爭聒耳水禽

呼侶過溪南

雨後波光如撥醅香車寶馬踏春來溪頭游遍更何處萬玉

庵前看老梅

李承運

字丹邱郡人

董沛曰丹邱幼負異稟下筆驚人年甫冠隨父恭寬連山任所遭喪以毀卒咸稱其孝詩具逸致惜傳者不多采錄數首以當片羽

桐江道中雜詠

涼雨蕭蕭過蘋風嫋嫋生行人乘月色相向數江程石古猶

含態山多不記名空濛雲水外時有棹歌聲

野色寒彌曠林光遠自微潭煙迴處合江蓑住人稀返景連
波翠來帆帶雨飛沙禽知客意相對亦忘機

題海珠寺

水中樓閣出虛無兩岸烟波入畫圖來往帆檣歸客少興亡
亭榭夕陽孤鮫人聽法秋揮淚龍女棲禪夜獻珠物外莫論
塵世事越王臺上有嘯鳥

任六隴

字石上
蕭山人

任氏遺芳集石上聰慧絕
倫才華文藻噪于一時

雁字和袁石公先生韻

筆意疑從太古分天然書法足空羣或奇或偶庖犧畫如斷
如連蚪蚪文未許遺蹤摹石碣只餘殘影入秋雲臨池我亦

多時節變化神奇終媿君

呂司壘字公友新昌歲貢官仁和訓導

許正緩曰樽翁長於集句矢口即成白髮吟贈答各三十首妙造自然真茹古涵今彈丸脫手技也

白髮吟錄一

博士官猶冷白居易先生道自清杜荀鶴誰憐清渭曲許渾水意釣

魚人杜審言

又和韻錄一

今者呂氏子柳宗元峭然八十翁皮日休一官常自哂高適白首為

誰雄陳子昂

王道正字濟庵甯海諸生

喜晴

昨夜雨初斷開門花燦然野雲猶戀樹澗水自歸田日暖栽

秧候風清放鵠天老人無箇事惟掛杖頭錢

朱興悌

字子愷號西崖浦江歲貢著西崖詩鈔

嚴榮敘畧先生擁書萬卷無他嗜欲年至八十披吟不輟

詹聖春序畧先生古道自持篤於故舊上下商推

古今事蹟滾如倒三峽之水縱橫貫穿悉中肯綮

戴殿江跋畧先生為詩歌力追古人著撰燬於火今存

者有易說春秋總論三國志筆錄金華經籍志隨筆一

卷文集自序有唐人絕句詩鈔蝸廬小草瓦甃小草

讀書

羣生各有營塵鞅徒拘束開門天地寬即景散遊目閉門讀

我書得少亦云足樂志有奇方祕此娛幽獨願得素心人賞

奇頻往復

王登賢

字其秀號慕庵西安歲貢

陳萬青傳略登賢博學能文尤工韻語隨父榮統宦游督課諸弟友愛備至父病五閱月衣不解帶繼天請代

及歿居廬茹素三年會選疾親知引禮經疾則飲酒食
肉爲勸泣不從遇諱日必泣奠如初因號慕庭遠祖墓
圯棄產獨修親族有急難力爲扶持敦行
不忘鄉黨稱之著書數種文集最爲盛行

游保安寺

蕭然古刹倚秋林颯颯西風感客心鴉舅滿山堪入畫龍孫
行地未成吟醉餘且枕劉伶甕睡起聊披宋玉襟策杖歸來
日已夕一聲孤雁過遙岑

過法華寺

孤寺知何許清秋一過之西風吹酒面落日撚吟髭山亦如
人瘦雲眞抱石癡流連無盡意重與貫休期

詹紹治

字廷颺號臥庵常山歲貢著南湖草薰絃集

縣志紹治性嗜學工詞賦家多藏書甲乙丹黃年逾八旬猶手不釋卷爲人端嚴尚義敦行好獎勵後學

遊石壑憩問莊亭

石徑環城南溪流繞巖際行行亭午時松風襲人袂鐘磬出
梵宮靜寂山門閉樓高飛鳥迴遠接長天勢山翠日入佳岸
雲尙明媚秋色從西來林巒生秀麗幽亭轉清迴篠蕩影搖
曳泉咽水龍吟筧引穿幽砌物象歸淨域了悟臥輪偈冷然
澄我心袞辰聊倦憩

登文筆峰

塔影懸青霄孤標薄寒霧卓錫雲嶂開凜凜風迴互石磴盤
空虛上聳丹梯步片雲天際來晚帶斜陽度俯視傾碧流蒼
茫靄林樹野岸多情曠百里如指顧佳氣鬱蔥龍庭陰連薄
暮寶殿何玲瓏瞻拜生餘慕森森氣象殿雄鎮金城固突兀
凌斗墟代謝乘新故萬籟俱蕭然靜裏了可悟歸來月影清
草露溼芒屨

方纘基

字胎哲一字筠石壽昌貢生著韞玉堂詩鈔

戴兆沅序略翁詩思婉以清語勁以直氣韻沈雄胎息疎古直可嗣響西塘

戚人鏡跋略先生詩自寫性情不以庸濫纖仄之音取

悅里耳如古月照寒水上無人自清一洗塵壒之氣

緝雅堂詩話筠石五言如秋意竹先覺月魂琴

禹田

俗塵喜不到柴關門對清冷水一灣煙鎖幾重藏屋樹竹遮

無數隔溪山洵知好鳥亦朋友祇少幽人共往還準擬高秋

新霽裏攜壺直上翠微崗

偕馬春岡蔣蘊庵過任莘留飲

屈指不多得二三仍舊知閒情猶耐酒細意互敲詩風退池

光定花深日影遲慵疎久相恕誰復自矜持

汪日葵

字荻江號秋澗世勳子仁和人乾隆己亥舉人官嘉興教諭

杭郡詩三輯秋涓嘗病宋商兩家刊武林
舊事未經合并因重鐫夙夜齋本行世

丁敬身先生倡爲湖州鄉裏饌詩周亦庵夫子家俞師

四兄各出新義屬和竝以見示次韻奉答

鄉物資口實詩程勇不惰飴飢煩討蒐艸叛見敷佐食單議
日增八斗量才大江米詠長鎗吳田擅香稔稱名辨裏蒸方
法諳漉磨聊爲田間吟預作豐年賀瑣物傳枚乘古志遺食
貨索茲風味清未受腥羶碗臘鼓逼歲除爆竹喧春破兒童
笑牽衣村媪紛包裹留須寒水浸勻試吳刀剝供給到賓盤
饋餽付野銼佐食羅冬菹薦茗烹活火擘畫函可分模稜箸
頻挫香疑棗米俱甘應崖蜜和傅色借僧衣淺澹善料搥卻
宜野鄙名未許術市過異彼搏黍成江鄉悲楚些復殊青飢
遺帝鄉服飯餽得藉皮陸吟佳羞吳越播解頤興偶同捫腹

笑無那斤宋非護前從劉或袒左詩篇渾漫與經籍枉搜邏
達哉硯林翁舊案翻卻作愛古甯薄今嗤點未云過鼓頰誦
華篇下里慚追和

管應祥

字閩風海甯人乾隆己亥舉人官湖北利川知縣

杭郡詩續輯閩風宰利川時以素無志乘爲撰疆域圖攷二卷

初至楚北施南郡

郡繞層巒郭枕流也堪約略說施州地緣雲近易成雨天以
樹深先占秋奇石疊牆盤鳥道香枏植柱起碣樓苗童獠女
爭來看認取山中百里侯

朱邦經

號友鶴嘉興人乾隆己亥舉人官杭州府訓導著銘拙吟鈔

南野草堂筆記友鶴刻苦吟詩性真流露泊然一室貧不累心句如寄錢灌園云春風千里雁明月十年心感荀芝兄云艱難存後死茫昧卜他生積雨云到門谿水齊拋網脫版郵橋不礙帆出都別友云炎涼態每先僮

僕緩急情還託友生曹王廟燒香云買得泥孩兒一箇歸來算我已添丁蓋因無子也然友鶴善人當必有後耐冷譚丈後竟得子生平深於經學喜精研金石文字所長不獨詩也

吳澹川 文博 南野堂詩集題詞

十年戎馬竟離羣惆悵樓臺易夕曛老氏猶然感蓬累才人應是御蘭芬何時把酒邀明月憶我題詩寄暮雲莫向琴臺溯同調桃花開落已紛紛

任宗延 字秋涓海鹽人乾隆己亥舉人官大理寺評事著授經草堂集

縣志宗延力學敦行官甯海訓導課諸生文行並勛尤善表彰潛德

九日玉溪道中

雙橋臨水驛小市泊輕舸佳節無風雨秋墜尚桔槔遙山楓葉暝落日雁行高別有題糕興推蓬瀉濁膠

章光曾 字廉夫號笛舫烏程人乾隆己亥舉人官海鹽訓導著皖遊草海昌集北遊草瓶隱山房詩存海上

吟倦遊草
松塵錄

風節井謠

余忠宣全家死難井為夫人與女殉節處也

忠臣之死死於國戰士之死死於敵金鼓鞀轟城下逼巾幗
臨危無懼色井中之水清且冽攜雛一躍深千尺國已亡家
必破夫已亡身必赴重泉含笑一相逢檢點團圓尙如故

自編松塵錄題詞

斑管裁成字字香聽來高下叶宮商憑誰負鼓前村去付與
盲翁唱夕陽

老去疎慵心力微餘情聊付百家衣叢殘一卷巾箱貯曾作
昭陽玉燕飛

沈長春

字小如歸安人乾隆己亥舉人官至湖南按察使箸古香樓遺稿

潞河紀事詩五十四韻為陳騶原司馬作

兩浙輶軒續錄

卷十二

章光會

沈長春

三

8011

潞河邇京邑天廩實轉粟傍水置壩樓環闔設號屋挹彼行
注茲舍舟暫就陸漕河遞通惠道里豈一蹴何來游食民甘
此力役服千夫叢一時集比置郵速舉重肩爲承釋負趾相
屬謀趁爲錙銖賈勇數往復流汗幾浹背療飢再鼓腹日必
罄傭貲暇便事博局鷓驅嚴令甲獸散疾載夙百錢積纏腰
竟日輒裹足值或取兼人飽肯慮隔宿秋期畢全漕生計竭
半菽初解鶉衣縣繼脫犢鼻鬻鳴不入鴻雁瘦漸過鳩鵠乞
人恥灌伍街卒逞斯逐風聲吼鼉吟露處逼蜩縮羣就號屋
棲奚啻駢首戮數里聞哀音呻楚慘于哭忍息爰居避積屍
京觀築刀兵水火外別構沈甃獄飢鳶不敢飛萬燐此聚族
慈悲釋道安掩面捧髑髏編蒲躬市買埋骨土手掬敢希澤
及枯差免頰頰蹙潁川有仁人卑官正雌伏呼僧我語汝汝

意良足勸瘞死不救生大勇遜賈育大裘與廣廈莫讓古人
獨汝勿謀築室我自具成竹人鬼爭須臾無過活以粥計口
授一孟彌月僅百斛汝毋憚厥役難事在有俶太倉勾秉穉
塵肆糾芻束卜椽西郭偏向日南榮暴晷刻準卯酉料理屏
胥僕名籍以時稽門鑰戒宵肅荏苒徂冬春氣候異寒燠去
如挾纊温感比在抱鞠祇樹給孤園葭瑄回春谷辟茲續命
田陋彼布金福我昔莅彼都盛舉得耳熟幸君述顛末使我
益振觸當官不濟物負職愧司牧葑屋窮齧鹽朱門厭梁肉
織婦忙機絲妖姬盛綺縠放生及戒殺節智駭流俗赤子殷
恫瘝袖手更瞠目微君發大難行且溢溝瀆十載活萬人功
行塞亭毒君事洵可風僧善亦足錄服君真長者陰德矢勿
告願君宏此心穀人自式穀

涿州旅次寄兄巡梅

雞蟲得失悟浮生又踏霜花策蹇行
鴉帶曉寒欺日影馬迎落葉碎風聲
中年世事經哀樂此後天涯憶弟兄
等是勞薪應自惜莫教顏狀異時驚

朱鏡三大尹挽詞

并序

名杰令直隸武清以細故去官縣民數萬額畱報可
回任之日傾道爭迎歡聲雷動懸額堂皇題曰復見
青天自此益殫力從公旋以勞瘵死

培塿曾鄰泰華峯奇才自合得奇逢
一封白簡民環泣萬口青天

帝動容造命有權回兕虎享名無福戾蛇龍
此閒便合理朱
邑繞舍棠連繞墓松

贈張船山

十八章詩刻意成豪端盡吐不平鳴一雙簇錦團花手百萬
金戈鐵馬聲豈有鉅卿能誤國卻憐詞客獨談兵懸知翦燭
旗亭壁照出心花欲怒生

斫地呼天太激昂忍將忠愛認清狂三升淡墨今詩史萬點
青燐古戰場

盛世本來無忌諱此才豈合老詞章幾回欲作離騷讀一字
應消酒一觴

丁

溶

字秋水歸安人乾隆己亥舉人官山東萊陽知縣著玉邨山農詩鈔

府志溶研求經史與同邑姚文田嚴可均為文字交校
唐石經撰補遺四卷以補嚴氏之遺窮經所得撰經典
考辨復取通鑑詳加校
正撰通鑑考辨藏於家

泊瓜州

春水碧迢迢經過廿四橋
颿檣京口渡風雨廣陵潮
塔迴鈴聲遠隄平雪蹟消
瓜洲今夜泊有夢到金焦

送蔡丈蒿牀南旋

海內垂名四十年一官落拓問青氈
詩尊格調追唐律字辨形聲補鄭箋
老去精神猶健在歸時琴劍任蕭然
故鄉莫笑文章賤杖履曾陪千叟筵

徐僑 字東里山陰人乾隆己亥舉人官鄞縣教諭

陳无軒元夕得孫次坡公賀陳述古弟章生子韻為賀
銀花火樹遶層閭墮地英聲聽鳳雛
春甕好開千日酒宦囊不負五車書
東坡嶺外文逾壯北海尊前樂有餘
同此老來甘寂寞詒謀家慶有誰如

樊廷簡 字鶴書山陰人乾隆己亥舉人官分水教諭

校官詩錄崧哇與弟莫齋同官廣文伯酬相得嘗病孟
子疏短略爲校補之已梓者六卷餘尙未脫稿詩喜劔
南集曾爲之註
亦未成而卒

劉余董三文學訂遊雲門山諸詩

迂儒不怕山鳥怪抖擻茸裘約破戒書堂兀坐苦拘囹一出
如囚脫鎖械儼泛耶谿入雲門青鞵布鞵何等快公等高興
不可及竊恐淮陰羞伍噲剋期何意同見招毋乃三生欠詩
債未行先效擁鼻吟手癢已如抓瘡疥會沿谿水曳鷗籜宛
泛枯楂泝漢派到岸青松夾道陰憑空湧出蓮花界寺門未
入響鐘魚攝衣丈室聽梵唄我

朝龍藏祕娜嬛

御賜珍儲石上曬

雲章照耀五采文咫聞小儒合稽拜榴回厯尋古寺碑窮日

之力何恤憊但有一語賤天公此興勿以風雨敗

胡· 壘

字乾若餘姚人乾隆己亥舉人官秀水訓導

和陶詩自序畧子嘗讀陶詩成二絕云解組歸來璞返

真田園風景畫圖陳從知仕宦非長計好作羲皇以上

人奇傲南窗酒一壺何如斗米折腰時先生亮節從無

古處士閒情更有詩遂案陶集五古作和陶詩一百十

四首復成一絕云五柳先生百世師我今憐味

學其詩推敲二字求君定莫便逢人說項斯

和陶詩歸園田居六首 錄一

古有隱君子居常無怏怏勸人以耕讀寡欲清夢想雞黍款

嘉賓英賢其來往禮意周鄉曲農氓知少長窮居不獨善德

化亦已廣混迹隴畝中為臣曰草莽

王

煦字汾原上虞人乾隆己亥舉人官甘肅通渭知縣著空桐子詩草

周繼所序畧汾原研精經史有小余正疏說文

五翼初權崇信篆境接空桐故自署空桐子云

遊蘭芑山

朝發始甯渠，機舟蘭芻麓。翹翹上徒輿，一肩兩竿竹。迤邐抵山要，平曠豁遊目。須臾入岑崟，蘭若半天矗。異花發媽紅，好鳥啼濃綠。昔聞葛仙翁，鍊丹結茆屋。劈石采紫英，汲泉煮黃獨。四面栽幽蘭，頓成萬香谷。嗟予生桑梓，寤寐企芳躅。爐火既已寒，井泉又已漉。美人去不還，芳草空芬馥。幸有董香光遺碑，尚可讀。

山前有董其昌書石碣。縣志董其昌作趙孟頫。

王清源

字秋濤甯海人。乾隆己亥舉人。

過山洋

村路迢迢去，蒼茫極海東。人依孤嶼外，路繞亂山中。海氣全蒸雨，潮聲半挾風。逢迎欣到處，雞黍款村翁。

戴道亨

字禮齋號笠人。錢塘人。乾隆己亥順天舉人。候選知縣。著水月樓贖稿。

杭郡詩三輯笠人舊居東城中正巷高堂廣廈右。有聽園時花美竹水石明媚牡丹時縱人游觀。

對月懷鐵生藕唐

蟾彩當空塔頂尖清光萬斛迴重檐客隨芳節匆匆去病爲
春愁昔昔淹臥看湖天山入夢嬾吟詩句債新添城南夜色
應同此想見停杯喚捲簾

藕唐小同一再見訪詩以答謝

君家何獨意纏縣門外時停訪戴船茗椀綠痕烹澗水菜花
黃影接江天招邀伴侶尋芳草收拾湖山入短篇清趣劇憐
有相賞可能值得幾人傳

葉紹棻

號香海歸安人乾隆己亥順天舉人
官福建廈門同知著拳石軒詩稿

弔蜀鬼

黃面虎不可撫傅之翼置之股一誤善相陳洪範再誤受降
熊文燦督師來楊嗣昌驅賊入蜀全故鄉毋使蹂我夷陵江

吁嗟乎蜀人肉賤于土日日飼此黃面虎秦家錦繖女將軍
痛哭一聲歸石柱蜀人死楚人生至今蜀語皆楚聲楚鬼飽
蜀鬼飢杜鵑亭後秋燐飛天陰雨溼啾啾哭不怨西王怨督
師

朱芝圃觀察海上受降圖

十有四年秋八月橫海金戈窮蔡擊赤水之東黑水南巨魚
爭嚼么磨骨漳南有盜渠魁潰潰死溼繼恣剽奪巨船四十
取諸商飛礮如林誰鑄鐵脣之既亡齒奚恃狼且爲禽狙焉
匿鷺島乞降遭斥逐虎門投款憐誠赤大吏方咨靖海謀先
生坐畫安邊策欲令革面必革心且辦受降如受敵符檄先
寒反側膽韜鈴更奪窮奇魄三山別駕出閒道八陣元戎守
堅壁先收藥彈次兵刃再錄帆檣兼檣檝科頭跣足五千人

盡脫萑蒲登戶籍歡呼臚拜徧巖野歸伍歸農兩行立維時
醜類尙繁夥曲蹠駱仔張長得小仁陳贊轎夫孫紛紛盡伏
朱輪側從茲海宇靖妖氛碧天如鏡波濤寂當其率眾豎降
旛未免愚民慮倉卒眞誠詐僞未易辨引虎招狼防叵測劔
忽爲牛刀忽擯半萬黃巾皆恥格安堵無聲巨寇除萬戶焚
香頌生佛始知小心兼大度贊盡諏咨與謀畫智者見智仁
者仁大勇更非黜孟匹偉績千秋在鼎鐘盛事一朝成畫冊
他日披圖觀精采如涉洪波親節鉞此事今無古或有文章
經濟吾能說

朝廷用兵二十年大功卻爲儒生述

舟中秋興

蒲柳年華四十周萬三千里半年遊賤工尙許重驂乘善戰

終慚再用矛鷹隼無聲初試翮蛟鼉有夢不驚秋何人擊楫
中流去并絡妖芒夜未收

一琴東去一琴歸腹負先生菜把肥舟子好看新令尹酒人
來索舊朝衣孟嘗客散雞鳴杳謝傅堂空燕子飛明鏡更煩
清水洗要將前事照依稀

朱

棟

字杜臣號砥齋長興人乾隆己亥順天舉人官至甘肅按察使

墨香居畫識棟詩詞書法並工尤善寫生初爲郎官時名滿京師有徐黃之譽出守後爲政聲所掩然公餘輒不廢翰墨落筆渲染皆栩栩有神韻

英山二首

曾從畫法見簪頭董巨餘蹤此地留漸入西南如噉蔗英州
山又勝韶州

一拳一角總山巒可惜天教落百蠻好事吳兒渾未識買園

只鑿石公山

許運階

字雲軒海甯諸生官河南鞏縣典史

杭郡詩三輯雲軒為南臺季子生母王即吳嗣廣撰南臺傳所稱善教其子者也雲軒秉承母訓讀書砥行以孝友聞婦凌元和藝薊太史女亦能詩

卜母節孝詩

邑人卜麒繼室

乾坤溢真氣忠孝兩不朽大義振綱常貞操重山阜卓哉卜
孺人令名克相守俯憐掌上雛仰承黃髮耆鏡影倏分飛孤
鸞痛失偶門祚遭多辛支持勞隻手鬱鬱青松色生事死亦
厚森森玉樹姿貽床慶有後夢奇驗亦奇盛事載人口推恩
洽戚御發粟活童叟揚芳難悉數矢志真不苟松柏挺冰霜
凋豈隨蒲柳正如勵臣節事濟乃無負茹檠幾經秋高風一

回首

絲綸下三殿姓氏傳九有竹帛待書箴清光照永久

嚴其焜

字藻亭號驚駭長興人著敬修齋詩稿

登南嶽

往年曾讀衡山記今日芙蓉落幔亭絕壁龍蛇蟠禹篆下方
花草媚湘靈雲飛楚塞無邊白天倚南荒未了青此去舜陵
應不遠九疑深竹望冥冥

訪包山西湖寺

游雲低挂杖何處問雙林祇有一池水齊梁緣到今

兒子可均舉進士不第促之歸

謀祿非易事章身須有文歸哉倚闔望何必上青雲

湯朝萊

字又且諸暨諸生著芥舟詩選

余振傳略又且穎悟絕倫為文樹議博大善詞賦下筆千言立效好持論縱橫上下旁若無人

遊玉泉寺

尋僧迷石徑深谷隔遙村
活水穿茶竈枯藤護寺門
山盤危石鎖洞窄瀑泉噴
且喜塵蹤絕悠然道自存

董永發

字亦足青田歲貢

石門瀑布歌

石門瀑布真奇觀龍鬚脈脈來
飛湍絕壁萬仞何巉岬倒傾
百斛碎琅玕有時風雨相加怒
氣搏森森六月生嚴寒有時
丹霞映壁蜀錦攤明月照澗流
金丸幻如白龍倒挂青天
上首尾出沒神雲端皎如千尋
匹練垂冰紈迅如下坂駿馬生
羽翰壯如錢塘八月潮排山撼
海揚狂瀾聲如雷轟震百里
英雄叱咤登軍壇仰面山頭鎮
日看滂沱瓊液何時乾謝客
堂前曲磴盤古碑剝落蘚漫漫
我來觀瀑心胸寬日銜半規

興未闌安得躡屐登山巒源頭活水醒心肝

兩浙輶軒續錄卷十二